



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis Et Aliis Ecclesiarum Praelatis, Marchionibus, Comitibus,
Baronibus, & aliis nobiles viris, & universis Christi fidelibus ad quos
literae istae pervenerint.

urn:nbn:de:hbz:466:1-20006

appellationem delata, diffinitioni ejus contrariis affectibus intendebant, & cum vellent adinvicem litigare, dilect. filium G. SS. Cosmæ & Damiani Diaconum Card. ipsis concessimus auditorem. Cùmque partes in ejus essent præsentia constitutæ, prædicti nuncij pro ipsis & parte sua firmiter asserebant quòd causa eadem post tractatum diutinum amicabili tandem fuerat compositione sopita: quam quidem Archidiaconus juramento, Episcopus verò sub pena mille librarum se promiserat firmiter servaturum. Ex adverso autem prædictus Archidiaconus proponebat quòd cum videret partem adversam sibi super observatione compositionis factæ molestiam irrogare, bonæ mem. Clementi Papæ prædecessori nostro suam curavit proponere quæstionem: qui tandem ipsum à præfrito juramento post causæ cognitionem absolvit, & licentiam ei dedit ut archidiaconatus sui jura, non obstante compositione illa, prosequi non cessaret; præsertim cum eam præfatus Episcopus non servasset, & tam ipse quàm plebani focij ejus super hoc contra mandati apostolici formam eum plurimum molestassent. E contra præmissi nuncij affirmabant quòd Episcopus suus contra compositionem non venerat, immo ipsi Archidiacono querenti responderat quòd paratus erat facere quod deberet, sicut per instrumentum publicum ostendebatur, & quòd Archidiaconus contra juramentum licitum ac sponte interpositum nulla debuisset ratione venire. Et si fortè sibi esset aliquo modo (quod non credebant) indulgum, prius quæ contra compositionis formam præsumplerat, emendare penitus tenebatur, quàm statueretur aliquid super negotio principali. Ceterum cum in præsentia Card. prædicti diutius litigassent, tandem auditis per eum quæ duxerant proponenda, fratrum nostrorum consilio habito diligenti, causam ipsum sub certa forma tuæ fraternitati duximus committendam, per apost. tibi scripta mandantes, quatenus utramque partem ad observationem compositionis prædictæ (quam licitam esse comperimus, & ideo juramentum pro ipsius observatione interpositum censuimus fore servandum) non obstante absolute prædictæ, quam credimus per subreptionem obtentam, per censuram ecclesiasticam sublato appella-

tionis obstaculo compellere non omittas, in irritum apost. auctoritate reducens si quid contra compositionem prædictam per prædictum Archidiaconum cujuslibet auctoritate rescripti noveris immutatum. Si quid verò postmodum inter eos fuerit quæstionis, partibus ad tuam præsentiam convocatis audias, & illud appellatione remota debito fine decidas. Volumus præterea nihilominus & mandamus, quatenus Clericos & laicos, qui occasione quæstionis prædictæ, quam cum Archidiacono habuerunt, excommunicationis, suspensionis, vel interdictionis sunt vinculo innodati, secundum Ecclesiæ formam absolvas; illos qui ipsis bona sua per violentiam abstulerunt, ad restitutionem eorum, sicut justum fuerit, ecclesiastica censura remota appell. compellens, & non permittas quòd ipsis super beneficiis suis gravamen vel aliqua molestia ab aliquo indebitè inferatur. Illos verò quos Ecclesias violasse & manus in Clericos temerarias injecisse constiterit, tamdiu facias sicut excommunicatos ab omnibus arctius evitari, donec passis injuriam &c. & cum testimonio literarum &c. Datum ut supra &c. i v. Idus Maij.

*ARCHIEPISCOPIS ET ALIIS
Ecclesiarum Prelatis, Marchionibus, Comitibus, Baronibus, & aliis nobilibus viris, & universis Christi fidelibus ad quos literæ istæ pervenerint.*

Cum ad capiendas vulpes parvulas, quæ demoliant vineam Domini Sabaoth, species quidem habentes diversas, sed caudas adinvicem colligatas, quia de vanitate conveniunt in idipsum, & hæreticos ab fidelium confortio excludendos, dilectum filium fratrem Rainerium, potentem divino munere in opere & sermone, & cum eo dilectum filium fratrem Guidonem, virum Deum timentem & vacantem operibus caritatis, ad partes vestras duxerimus destinandos, universitatem vestram rogamus, moneamus, & exhortamur in Domino, & in remissionem injungimus peccatorum, quatenus eos benignè recipientes pariter & devotè, contra hæreticos ipsis potentem & viriliter assistatis, eis consilium & auxilium impendentes. Verum quia frater Rainerius pro arduis Ecclesiæ negociis in Hispaniam de mandato processit


*Epist. 161.
Ut commul-
tis apostolicis
contra hære-
cos auxilio
sint.*

cessit apostolico, volumus nihilominus & mandamus ut vos fratres Archiepiscopi & Episcopi, cum à dicto fratre Guidone fueritis requisiti, in hæreticos, quos ipse vobis nominaverit, spiritua- lem gladium exeratis; laici verò bona eorum confiscent, & eos ejiciant de terra sua, & eorum paleas separent à frumento. Omnibus autem qui pro conservatione fidei Christianæ in tanto discrimine quod Ecclesiæ imminet, ipsi astiterint fideliter & devotè, illam peccatorum suorum concedimus indulgentiam, quam beati Petri vel Jacobi limina visitantibus indulgemus. Datum Romæ &c. ut suprâ, 111. Idus Maij.

ABBATI SANCTI VEDASTI.

Epist. 166.
Approbat ejus voluntatem, quod ex collegio seculari factum olim cœnobium, ad collegium revocare laboret.

Plax postulatio voluntatis effectu debet prosequente compleri; ne refrigescat caritas postulantis ex longioris moræ fastidio, vel ex brevi etiam dilatione tepescat. Significasti siquidem nobis quod cum Ecclesia sancti Petri de Castro sita juxta monasterium tuum libera sit, & sicut ipsum monasterium ab episcopali jurisdictione penitus sit exempta, & in ea olim esse consueverint Canonici seculares, prædecessores tui, ut possessiones ipsius in suos usus converterent, ut in ipsa facerent per monachos ministrari indulgentiam à sede apostolica impetrarunt. Verùm quoniam in ea minus solemniter Domino deservitur, ad ampliandum ibidem cultum divini nominis Canonicos seculares, prout ibi quondam fuerant, in ea ordinare desideras, & eis certos redditus assignare. Ea propter, dilecte in Domino fili, intentionem tuam laudabilem attendentes, auctoritate tibi præsentium indulgemus, ut de consilio fratrum tuorum, vel majoris & sanioris partis, in ea Canonicos seculares instituas, & tam de bonis monasterij tui, quàm de his quæ ibi à fidelibus offerentur, redditus eis competentes assignes: ita tamen ut in nullo libertas illa depereat, quam ei prædecessores nostri Romani Pontifices contulerunt. Nulli ergo &c. Datum Romæ &c. Idibus Maij, Pontificatus nostri anno primo.



*B. MAGISTRO SCHOLARUM
& Valberto Canonico Tarvisinis.*

Super eo de quo nos vestra discretio requisivit, videlicet quid faciendum sit de his qui captioni bonæ memoriæ V. Bellunen. Episcopi, ex qua dignoscitur à quibusdam aliis crudelissimè interemptus, se diabolico instinctu interfuisse fatentur, si ad Ecclesiam redire voluerint, in qua sint forma recipiendi ab ea, vobis taliter respondemus, quod cum tam enormè flagitium debita velimus severitate punire, ne facilitas veniæ incitativum præbeat delinquendi, si communioni fidelium reconciliari desiderant, ad sedem apostolicam veniant absolventi, nisi fortè articulus mortis immineat, vel hostilitas impediatur capitalis; quibus in utroque casu, recepta secundum formam Ecclesiæ sufficientissima cautione quod nostris debeant obedire mandatis, absolutionis beneficium nostra auctoritate potestis impendere: ita tamen quod opportunitate recepta, suscepturi mandatum, ad sedem apostolicam accedere non postponant. Provideatis autem attentius ne quid contra præscriptam formam quomodolibet attentetis. Datum Romæ apud sanctum Petrum.

Epist. 167.
Episcopi trucidatores à solo Papa absolventi, excepto articulo mortis.

* attentetur.

*ARCHIEPISCOPO
& Capitulo Turonen.*

Licet in Ezechiele legatur *Animalia ibant, & non revertentur*, tamen sequitur in eodem, *Animalia ibant, & revertentur*. Quamvis autem hæc vocum dissonantia secundum sanum consonet intellectum, & varias expositiones habeat mysticas & morales, posunt tamen per animalia munda, quæ ruminant & unguam findunt, rectores Ecclesiæ non incongruè designari: qui discernendo fingunt unguam, & ruminant meditando: qui dum aliqua statuunt quæ postmodum non retractant, eunt, & non revertuntur; cum verò aliquid statuunt quod postmodum revocant consilio saniori, eunt, & (sicut de animalibus legitur) revertuntur. Utinam autem prædecessores nostri Romani Pontifices in diffinitione illius veteris, & nondum inverterata, sed præveritate notissimæ quæstionis, quæ inter Turonen. & Dolen. Ecclesias fuit diutius agitata, & adhuc sub judice lis est,

Epist. 168.
Citantur ad audiendum sententiam proferre in causa ipsorum contra Ecclesiam Dolensem.
Vide lib. 2. epist. 82. & seqq.